

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Meditationum evangelicarum pars tertia, hoc est:  
Tractatio evangeliorum tam dominicalium, quam  
festivalium, ad recte se sub variis tentationum generibus  
gerendum, disposita**

**Creide, Hartmann**

**Francofurti ad Moenum, 1682**

De secundo

[urn:nbn:de:bsz:31-126133](#)

cor humanum per peccata adeò depravatum est, ut terrena modo sapiat: verum Deus corda immutare valet, ut omnia propter Christum arbitrentur detrimenta, Phil. 3. vers. 7. cum Assapho dicentes: Quid enim mili est in cœlo &c. Psal. 73. v. 25. 26.

Rogemus igitur Deum, ut largiatur nobis cor ~~aerapie~~, est enim magnus quæstus, animus cum suâ sorte contentus. Qui vero divites volunt fieri, incident in tentationem, & in laqueum Diaboli &c. 1. Tim. 6. v. 6. seqq.

III. *Atheismum*, quo multorum corda occupantur, ut non credant, Deum in cœlo esse, qui ipsos sustentare possit, licet media noua adhuc, quæ quoad externam speciem requiruntur: hinc ait Servator: Nolite solliciti esse, dicentes: Quid manducabimus, aut quid bibemus, aut quo operiemur? Hæc enim omnia gentes inquitunt. Scit enim Pater vester cœlestis, quia his omnibus indigetis.

His verbis vocationis cura, quam Deus cuique demandavit, neutiquam prohibetur, pastori enim incumbit cura pro ovi-bus, Joh. 10. v. 12. & animarum pastori, pro animabus sibi concreditis, Hebr. 13. v. 17.

Magistratus curam gerat subditorum suorum, Rom. 12. v. 8. & Pater familias domesticorum, 1. Tim. 5. v. 8. Sic omnis mechanicus cor suum dabit in consummationem operum, & vigilia suâ ornabit imperfectionem, Sir. 39. v. 31. Et ut summam dicam, quilibet dolere tenetur pro peccato suo, Psal. 38. v. 20.

Eiusmodi igitur cura minimè hic interdicitur, sed præpostera illa dubitationis

cura, quæ in multis reperitur, ut diligentes quidem sint in vocatione suâ, sed diffidunt Deo, semper de futuro se macerantes, & metuentes, ne fame tandem pereant.

Hoc gravissimum peccatum est, quod sedulò cavendum. Væ dissolutis corde, qui non credunt Deo! Sir. 2. v. 14.

Quid vero hi Mainmonæ servi aliud faciunt, quam quod non credant Deo, imò desperent de Deo? Creatoris enim sui obliviscuntur, qui sine omni ipsorum preparatione in utero matris mirabiliter eos formavit, pelle & carnibus vestivit, ossibus & nervis compegit, Job. 10. v. 11. Obliviscuntur gratiæ & misericordiæ ejus, juxta quam Selem suum oriti facit, super bonos & malos, Matth. 5. v. 44. Obliviscuntur manus ejus omnipotens, quam aperit, implens omne animal benefacito, Psal. 145. v. 16. Obliviscuntur sui ipsius, quod sine sui curâ adoleverint, alias facile colligere possent, eum qui vitam illis dedit, quæ ad sustentationem ejus pertinent nec sibi denegaturum. Lætatur enim ad benefacendum nobis, Jer. 32. v. 41.

Sunt igitur, ut omnes gentes, ut Deus Iudeis exprobrat, Ezech. 25. v. 8. & licet quandoque sacrâ synaxi utantur, tamen iudicium sibi manducant, & bibunt, 1. Cor. 11. v. 20. Sine fide enim impossibile est, placere Deo, Hebr. 11. v. 6.

### De Secundo.

**S**equitur Medea, quæ fluit  
I. *Ex divina providentia*, quæ & super volucres & flores extenditur. Hic audiimus, Christum Monmonæ servos ad volucres alegare, quas Deus alit, & ad lilia cam-

campi, quæ p̄t̄clarē exornat, ut discant hinc, quod potius se in divina sua providentiā descripsere, ne in opia laborent, vel pereant.

Sæpius inculcatur, quomodo Deus sanctos Patriarchas, Abraham, Isaac, & Jacob in annone caritate miraculoſe sustentaverit, Gen. 12. 10. c. 20. v. 14. c. 26. v. 1. c. 42. v. 1. item, quomodo Israelitas Manna cibaverit, & aqua ē filice potaverit, Exod. 16. v. 12. nec non quomodo Moses quadraginta dies & noctes sine cibo & potu in solitudine servatus sit, Exod. 34. v. 27. ut Eliæ corvi cibum detulerint, 1. Reg. 17. v. 6. & Daniel in lacu Ieronum mirabiliter servatus sit, Dan. 6. v. 12.

Verū caro & sanguis semper habet, quæ regerat. Sunt, qui sic ratiocinantur; Illi sancti fuerunt, quibus Deus beneficia hæc præstítit, intuitu Sanctitatis eorum: ego verò homo peccator sum, nec sanctis his Dei hominibus æquiparari possum. Si ita, ut colligis, Quid verò dicturus es, quod Deus & volucres alit, & quidem abjectos passeret, rapaces accipitres, sc̄tententes upupas, ingratos cuculos, & venientatos vespertiliones, & id genus alia? Annon horum intuitu illationem Christi disceres, dicens: Quod si Deus aves cœli palcit, nec me deserturus est, quem ad imaginem suam creavit, Gen. 8. v. 26.

Idem flores campi nos docere possunt. Subindè quidem percipimus in concionibus, quod fecerit Deus Protoplantis nostris, Adæ, & uxori ejus tunicas pelliceas, quibus induerit eos, Gen. 3. v. 21. item quod Israelitas in deserto servaverit, ut vestimentum, quo operi fuerunt, vetustate non defecerit, nec pes subtitus intumuerit,

Deut. 8. v. 4. Verū quod lilia & fœnum agri adeò exornet, quæ hodiè sunt, & cras in cibarium mittuntur, id majorem consolationem conciliat. Plus enim sumus, quam lilia, meliores sumus fœno.

II. Ex divinâ munificencia, ad quam collineat Christus, inquiens: Quærite primum Regnum Dei, & justitiam ejus: & hæc omnia adjicientur vobis, nempe cibus & vestitus, & si quæ plura ad sustentationem vitæ corporalis necessaria sunt. Hoc vocat Servator προσώπων additamentum, quod parum aestimatur in oculis Dei. Est enim dives in omnes, qui invocant illum, Rom. 10. v. 12. Habetque thesaurum ex omnimodis spiritualibus & corporalibus bonis, nunquam deficientem: sed quò plus largitur, èd plus largiri potest, sicut fons aquarum, cui non deficiunt aquæ, Esa. 58. v. 11. hæc ita altitudo divitiatum est, quam investigare non possumus, Rom. 11. v. 33. Hinc Cyprianus: Si tu Deo non desis, quid tibi cum Deo deerit? Cum Dei sint omnia, atque habens Deum, habet simul omnia. Non privabit bonis eos, qui ambulant in innocentia, Psal. 84. v. ult.

Quando igitur, ut filii ejus cordam facie illius comparemus, clamantes: Abba Pater, Gal. 4. v. 6. cuilibet particulari suam adjicit; cuius scit indigere ipsum, nec vacuum aliquem dimittit: quoniam pusillum & magnum ipse fecit, & æqualiter cura est illi de omnibus, Sap. 6. v. 8.

III. Ex divina Magnificentia. Quia enim Regnum habet, facile hinc sequitur, quod Rex sit. Utique Rex, & quidem Rex Regum, 1. Tim. 6. v. 15. præ multitudine fortitudinis, & roboris, virtutisque ejus, neque unum deficit, Esa. 40. v. 26. Proinde

hhh 3 agno-

## Dominica XV. post Trinitatis.

agnoscamus eum talem, cum Davide dicentes: Tua est, Domine, magnificentia, & potentia, & gloria, atque victoria, & tibialis: cuncta enim, quæ in celo sunt, & in terra, tua sunt; tuum, Domine, Regnum, & tu es elevatus, super omnes Principes, 1. Paral. 29. v. 11. 12.

Sicut autem quodlibet Regnum peculiares suas constitutiones habet, ad quas subditi conformare se tenentur: ita etiam hic Rex leges suas habet, quas servari vult. Indicabo tibi & homo, quid sit bonum. Mich. 6. v. 8. justitia & judicium est basis solii ejus, Psal. 89. v. 15.

Qui igitur legitimus civis & subditus hujus Regni esse cupit, hanc regulam sequatur, necesse est, Gal. 6. v. 15. & ante omnium fidelis sit Regi suo, ut serviat ei, in decoro sancto, Psal. 110. v. 3. Vult enim populum, qui ad exemplum suum componat se, & sanctus sit, ut ipse sanctus est, Lev. 11. v. 44. & sanctimoniam sequatur, sine qua nemo videbit Dominum, Hebr. 12. v. 14. imo, ejusmodi populum, qui invocet & honorificet se, Psal. 50. v. 15.

Si quis in hoc mundo ad Regia Ministeria adhibetur, pro magna gloria id reputat, sicut & reapse est, hinc Regina Arabiae beatos depraedicat servos Salomonis, 1. Reg. 10. v. 8.

Quanto magis nos beati dicendi, quod Deus nos fecit populum suum, Psal. 100. v. 2. & per Christum redemit, Tit. 2. v. 14. ut serviamus ei in justitia & sanctitate coram ipso omnibus diebus vita nostræ, Luc. 1. v. 74. Haec Domino servire, regnare est, ait Bonaventura. Qui enim fidelis ipsi est usque ad mortem, dabit illi coronam vitæ, Apoc. 2. v. 10.

Fremant igitur gentes, & adstant Reges terræ, & consultent adversus Dominum & adversus Christum ejus, Psal. 2. l. 2. Hic Rex par ipsis erit resistendo, furor hominum est laus ejus, reliquiis furoris accinget se, Psal. 76. v. 11. ideo facile nos proteget, si confidamus ipsis adversus omnes injurias, & tandem salvos faciet in Regnum suum cœlestis, 2. Tim. 4. v. 18.

## De Tertio.

**R** Estat Cautela, quæ tribus absolvitur Regalis, ut sunt

1. *Mammonismum detestari.* Ab hoc Christus ipse nos dehortatur, inquietus: Non potestis Deo servire & Mammonæ.

Hoc servitium non modò intelligatur, de crassa illa idolatria, quæ Romanis usitata fuit, qui ex argento peculiarem Deum fecerunt, cui templum consecravit, & divinum honorem exhibuerunt, ut Augustinus memorat: sed haec quoque Mammonæ servitus est, si aurum putet robur tuum, & obrizo dicas, fiducia mea, Job. 31. v. 24. aut divitias terrenas tanti facias, ut Deum propterea despicias, & mandata ejus negligas, quales multi inveniuntur,

1. *In Choro.* Tales sunt, qui implicant se negotiis secularibus, 2. Tim. 2. v. 4. & in avaritiam verbis fictis de auditoribus negotiantur, 2. Petr. 2. v. 3. dum prophanant Dominum propter pugillum hordei & fragmen panis, Ezech. 13. v. 19. vel plane vendunt, ut Judas, Matth. 26. v. 15.

Hic Mammonismus multas heres peperit, donec tandem aureus Papismus invaserit, ubi Maozim colitur auro & argento, & lapide pretioso, rebusque pretiosis, Dan. 11. v. 38. 39. Fugi-